

- 1^r Wer durch die fynger sechen kan
- 2^r Vnd loßt syn frow eym andern man
- 3^r Do lacht die katz die müß süß an



Von eebruch

- 1 Eebrechen wigt man als geryng
- 2 Als ob man schnellt eyn kyseling /
- 3 Eebruch / das gsatz yetz gantz veracht
- 4 Das keiser Julius hatt gemacht

5 Man vörht keyn pen noch stroff yetz me
 6 Das schafft das die synt jn der ee
 7 Zerbrechen krüg vnd häfen glich
 8 Vnd kratz du mich / so kratz ich dich
 9 Vnd schwig du mir / so schwig ich dir
 10 Man kan wol haltten finger für
 11 Die ougen / das man sâch dar vß
 12 Vnd wachend tûn / als ob man ruß /
 13 Man mag yetz lyden frowen schmach
 14 Vnd gat dar nach keyn stroff noch rach
 15 Die mann / starck mågen hant jm land
 16 Sie mögen towen gar vil schand
 17 Vnd tûn als ettwan dett Catho
 18 Der lech syn frow Hortensio /
 19 Wenig sint den gat yetz zû hertz
 20 Vß eebruch sollch leyd / sorg / vnd smertz
 21 Als Atrydes strafften mit recht
 22 Do jn jr wiber worent gschmâcht /
 23 Oder als Collatinus det
 24 Das man Lucretz geschmâhet het
 25 Des ist der eebruch yetz so groß
 26 Clodius beschisßt all weg vnd stroß /
 27 Der yetz mit geyßlen die wol strich
 28 Die vß dem eebruch rûmen sich /
 29 Als man Salustio gab lon
 30 Mancher der wurd vil schnatten han
 31 Ging yedem eebruch sollch plag nach
 32 Als dann Abymelech geschach /
 33 Vnd den sûnen Benyamyn /
 34 Oder dar noch ging sollich gwynn

f2'

f ij

35 Als Daudid gschah mit Bersabee
 36 Manchen glust brechen nit die ee /
 37 Wer lyden mag das syn frow sy
 38 Jm eebruch / vnd er wont jr by
 39 So er das wißlich weißt vnd sycht
 40 Den halt ich für keyn wysen nycht
 41 Er gibt jr vrsach mer zů fall
 42 Dar zů die nochburn mumlen all
 43 Er hab mit jr teyl vnd gemeyn
 44 Sie bring ouch jm den rōrroub heyn
 45 Sprech zů jm / hans myn gütter man
 46 Keyn liebern will ich / wen dich han
 47 Eyn katz den müsen gern noch gat
 48 Wann sie eynst angebissen hat /
 49 Welch hatt vil ander mann versücht
 50 Die würt so schamper vnd verrücht
 51 Das sie keyn scham noch ere me acht
 52 Jrn mütwill sie alleyn betracht /
 53 Eyn yeder lüg das er so leb
 54 Das er synr frow keyn vrsach geb
 55 Er halt sie früntlich / lieb vnd schon
 56 Vnd vörcht nit yeden glocken thon /
 57 Noch kyfel mit jr nacht vnd tag
 58 Lüg dar by was die glocken schlag
 59 Dann ich das rott jn truwen keym
 60 Das er vil gest für mit jm heym
 61 Vor vß lüg für sich der genow
 62 Wer hat ein hübsch / schon / weltlich frow
 63 Dann nyemans ist zů truwen wol
 64 All welt ist falsch vnd vntruw vol

63 nyemans GW5046 GW5047] neymans GW5041

65 Menelaus hett syn frow behan
 66 Hett er Paris do vsßhin gelan /
 67 Hett Agamennon nit zû huß
 68 Gelossen syn fründt Egysthus
 69 Vnd dem vertruwt / hof / gûtt / vnd wyb
 70 Er wer nit kumen vmb syn lyb /
 71 Glych wie Candaules der dor groß
 72 Der zeigt syn wyb eym andern bloß /
 73 Wer nit syn freüd mag han alleyn
 74 Dem gschicht recht / das sie werd gemeyn
 75 Dar vmb soll man han für das best
 76 Ob eelüt nit gern haben gest
 77 Vor vß / den nüt zû trüwen ist
 78 Die welt steckt voll beschysß vnd lyst
 79 Wer argwon hat / der gloubt gar bald
 80 Das man tûg das jm nit gefalt
 81 Als Jacob mit dem rock beschach
 82 Den er mit blüt besprenget sach
 83 Aswerus gdocht das Amon meynt /
 84 Hester gesmâhen / der doch weynt /
 85 Abraham vorcht synr frowen ee
 86 Dann er ye kâm gon Gerare
 87 Wâger eyn schmyrtzler jn sym huß
 88 Dann brüten frömde eyer vß
 89 Wer vil vß fliegen will zû wald
 90 Der wurt zû eyner grasmuck bald /
 91 Wer brennend kol jnn gören leidt
 92 Vnd schlangen jnn sym büsen treyt
 93 Vnd jnn synr teschen zücht eyn muß
 94 Solch gest lont wenig nutz jm huß

f^r

f iij

67 Agamennon GW5046 GW5047] Agammennon GW5041 82 blüt GW5046 GW5047] blüt GW5041